



Lit. 150.

~~C7833~~

Ud 5240



Biblioteka Jagiellońska



str0010443

Brv. Mł 5240 (1-6)

THEATRUM M


VOLES

ER

EX CINA PLANTARUM

SACCHARIS MORE

INDIAE



Funebris Laudatio  
SERENISSIMI  
SIGISMUNDI III.  
POLONIAE REGIS,  
MAGNIDVCIS LITHVANIÆ,  
RVSSIÆ, PRVSSIÆ, MASOVIÆ,  
SAMOGITIÆ, LIVONIÆQ.

NEC NON  
SVEC: GOTT: VANDQ:  
HÆRED: REGIS.  
*AB ILLMO ET RNDMO IN CHRISTO P.*  
D. STANISLAO LVBIENSKI,  
EPISCOPO PLOGENSI,  
Scripta.



CRACOVIAE,

*In Officina Andrea Petricouij, S. R. M. Typographi.  
Anno Dni, M. DC. XXXIII.*



•SS•

Laudatio Funebris  
SERENISSIMI  
**SIGISMUNDI III.**  
**POLONIARVM ET**  
**SVECIÆ REGIS, &c.**

**N** theatro lugubris mæstitiaæ , & acerbissimi doloris positū, intuemur Serenissimum & Inuictissimū Principem SIGISMUNDVM III. Poloniarum & Suecorum Regem: ille Europæ, Asiaræ, & Africæ, in potentissimo Turcarū Imperatore, quē non minus fortiter quam feliciter à ceruicibus nostris repulit, victor: ille latè patētis Moschouię, ex pugnato Smolēscō, Vrbe Regiā, ac tāti Regni, quod Europæ ingētes recessus suā iurisdictione complectitur, Principe Suiscio, vñā cum duobus fratribus capto, triumphator magnificus: ille immanissimæ omnium quæ sub Sole extant Tartaricæ nationis terror: ille omnium hostium domitor: illa pietas, illa Religio, illa iustitia, ille humani generis amor & delitiæ: ille, qui quadraginta quatuor & amplius annorū felicissimi imperij successu, id consecutus est, vt Rex sui temporis Regum dici & haberri mereretur: ille qui Augustis dominus Austriacæ connubijs, vniuersi Christiani orbis Reges & Principes, illustrium affinitatum nexibus,

A 2

sibi de-

665874

sibi deuinixerat : ille Regiæ sobolis ad salutem Reipubl : Christianæ natæ felix Pater : ille inquam SIGISMUNDVS, qui & originis nobilitate , & Regnorū quibus præfuit felicitate , & imperij diurnitate, omnes sui temporis Reges longè superauit, esse desijt ; & se vixisse, hoc supremi exitus sui tristi spectaculo, testatur. Lachrymisnè eius mortem decorare , an memoriam Heroicarum Magni Regis virtutū animos à mærore & tristitiā auocare conuenit, Vobis, qui præsentes adestis, dispiciendum relinquo. Illas quidem poscit Domus Regia, tanto orbata parēte : poscit in primis Serenissimus Princeps VLADISLAVS SIGISMUNDVS noster Electus, & Suecorum Gotorumq; Hæreditarius REX, poscunt omnium Ordinum & Statuum Regni Poloniæ, & Mag: Duc: Lith: quos atratos & frequētes videmus, incliti Senatores, Equites, & Proceres : poscit deniq; hæc funebris pompa, ad excitandum dolorem composita : cæterū hæc omnia ad vnius alteriusuè diei, vt rerum humanarum conditio fert, decursum duratura, linquamus alijs. Deflebit SIGISMUNDVM, quos naturæ lex, lachrymas fundere iubet : deflebit vniuersa Respubl: nostra, quam diu nominis Polonici exstabit memoria: deflebimus nos, qui eius beneficijs creuimus, honoribusq; ab eo aucti ac ornati conspicimur. Fundemus non stipendiarias, nec tristi cohortatione extortas lachrymas ; sponte illæ fluent, maioremq; in pectoribus, animisq; nostris cōtineri dolorem quām palam ostendunt testabuntur. Sed nos interim ad alia Orationem nostram conuertamus, ingens-

ingensq; & magnum pelagus virtutum , huius qui quondam Magnus Rex, nunc exangue cadauer certnitur, ingressi , in earum admiratione aliquantis per immoremur. Neq; sanè quisquam existimet temerè vel audacter me hoc munus suscepisse: non temerè, nā hæc Prouincia nutu Tu Serenissime REX VLADISLAE, ad me delata est : non audacter nimis, nam propè quadraginta annorum obsequio, plus plerisq; experimenti capere potui quod ad præsentē usum seruiat. Scio ego Regias virtutes, sub vulgarem cæsoriæ notæ æstimationem cadere non posse. Sublimius & maius iudicium illæ sibi depositum: de quibus cùm multi multa dixerint, scripserintq; , ego potissimum eas diligam , ex quibus Regiam SIGISMUNDI Coronam compactam fuisse, vel ipsa inuidia fateatur necesse est. Audeamus igitur aliquid plus genio & ingenio nostro, ordiamurq; magis verâ, quām ornatâ, oratione susceptum exequi munus.

Christiani & Catholici Regis virtutes recensenti, viro Ecclesiastico, maximè conuenit, vt dicendi initium sumat à Pietate, à religione, à constanti augēdi & promouendi cultū Diuini studio. Hæc enim omnium virtutum esse prima, & præcipua fundamenta, impius sit, qui negauerit : super hanc basim feliciter assurgunt parietes cunctarum perfectissimarum actionum, cùm nihil ritè, nihilq; prouidēter homines, sine Dei immortalis ope, consilio, honore, auspicari possint. Nisi fortè quispiam, vt sunt hominum ingenia, obstrepere voluerit, & cæteras quidem virtutes æmulandas Principi non negauerit;

Plinius  
in Pa-  
negit.

pietatem religionemq; priuatorum hominum occupationem esse contenderit. Talem talesq; ego, si modo tanta impietas vllibi receptum habeat, extra orbis Solisq; vias reiecerim, & indignos iudicauerim qui communi aurâ, communibusq; vitæ subsidijs, perfruantur. Regius vates Spiritu Sancto afflatus, cùm sciret plerosq; Reges vel efferri superbiâ, vt homines se esse vix meminisse velint; vel certè, quæ summa impietas est, pietatis studia ceteris actionibus postponere; vel accendi iracundia, vt ad crudelitatem exercendam prono ferantur impetu; ab hac amentiâ auertere eos conatur. *Et nunc, inquit, Reges intelligite, erudimini qui iudicatis terram, seruite Domino in timore, & exultate ei cum tremore: Apprehendite disciplinam, ne quando irascatur Dominus, & pereatis de viâ iusta.* Intellige, vos pari cum ceteris esse conditione, naturâ mortales, necessitate & lege fati mox morituros. Erudimini, nam etiamsi terræ sitis Iudices, etiamsi ius ex æquo & bono dicatis, etiamsi viam iustum tenere videamini: nisi tamen disciplinam non terrenâ: sed cælestem apprehenderitis; nisi Domino cum timore seruieritis; nisi trementes laudes eius decantaueritis, & nomen sanctissimum, Maiestatem illam omni maiestate maiorem, exaltaueritis; ex hac ipsa viâ, quæ vobis iusta videtur, ita decidetis, vt vos periisse serò quidem, sed seriò, sitis dolituri. Ceteræ virtutes, (inquit Valerius Maximus) admirationis tantummodo multum, pietas verò etiam amoris mereatur plurimum. Ad hanc Serenissimum Regem nostrum, non factū, sed natum vidimus; hanc ex ipsis

mater-

maternis traxit visceribus, hanc suxit ex vberibus. Meritò S. Gregorius, vel ipse potius Spiritus Sanctus, dum stupendum illud inuictæ patientiæ exemplar, Iobum, in terrâ Hus, quæ erat erroribus impijs infecta, natum refert, id illius laudi & præconio adscribit; quod vir pius, inter impios conuersatus, pietatis tramitem non deseruerit: esse enim bonum inter malos, plus est, quam si inter optimos optimus appareres. Non obfuit SIGISMUNDO, immo profuit, nasci in Regno Hæretico, & eo Patre qui ad suum arbitrium religionis causam reuocabat: blandimentis, quæ iuuenilem animum facile commoueret vngabat Pater, sibi gratum fore, si filius suæ sententiae, vel opinioni potius erroneæ, accederet; sed & minax, & ipsa penè vis admota, stabile pectus loco mouere non potuerunt, seu vera seu ficta Senatus Suecici denunciatio, caritatum Regno, nisi noua religioni nomen daret, id extorsit, vt ceruicem potius se datum, quam religionem Catholicam deserturum profiteretur. Hæc admodum iuuenis, inter Hæreticos Magistros, ac eorum & Patris imperio obnoxius, iam Matre sanctissimâ fœminâ orbatus, illius tamen monitorum memor, dixit fecitq; prudenter, constanter, religiosè. Tantis initijs totus deinceps vitæ decursus, optimè respondit. Ita semper vivit SIGISMUNDVS, vt eius pietatem Summi Ecclesiæ Præsides laudarent, Reges Christiani admirarentur, Ciues amarent, hostes pertimesceret: ipse inter maxima positus pericula, eâ vbiq; tutus parata vitæ discrimina inauditâ felicitate euitarit, superaritque.

Dum

Dum Christi religio, dum Ecclesia Catholica, dum sincera Euangelicæ veritatis professio durabit; quæ tamen omnia ad supremum totius vniuersi exitum duratura, Christus ipse spopondit: extabunt in Poloniâ & Lithuania, nobilissima monumenta SIGISMUNDI Regis, pietatis, magnificentiæ, liberalitatis, Tempa Basilico opere structa. Aræ, Altaria, Diuorum Statuæ, auro & argento fusæ, testabuntur SIGISMUNDVM Regem, neq; erga Deum pietate, nec erga Sanctos Dei veneratione, cuiquam etiam maximorum & sanctissimorum Regum concedere voluisse. Loquetur & sponte agnoscat Polonia, quæ illo Regnum auspicante magnam Senatus partem, vt inferiorum Ordinum homines silentio præterea, diuersis infecta hæresibus vidit, se propè vniuersam cum amplissimis Prouincijs suis, ad veteris Orthodoxæ & Catholicæ Romanæ religionis normam, paternâ & piâ tanti Regis curâ, traductam. Neq; ille ad id efficiendum vllâ vi opus habuit: sola ipsius pietas, sola erga Deum religio, erga Sedem Apostolicam obseruantia, mentis puritas, corporis castitas, vnumquemq; commouere poterat, ad obseruandum, magniç; æstimandum, tantum Principem, eiusque præstantissimas virtutes æmulandas: itaque pij regiminis dulcedine, adeò mox cunctorum hominum animos pellexit, vt ad sui exemplum penè totam composuerit Poloniam. Multa hac de re dici possent, multa adferri, quæ fortasse Catholicis viris grata essent; aduersariorum verò aures minus iucundo sono ferirent: sed ille, qui dum vixit, pietatis suæ

actus

mud

actus Deo soli notos esse voluit, ne nunc quidem, vt in publicum proferantur velle admittere credens est. Ad alia igitur transeamus: videamus vt cæteræ Regiæ virtutes, semper quidem pietati coniunctæ, & in eâ fundatæ, in illo eniuerint. Iustitia in primis, quam omnium virtutū Reginam meritò viri Sapientes existimârunt. Agesilaus quidem Rex, cùm ab eo quæreretur, vtra virtus esset præstantior: Fortitudo an Iustitia? Grauiter respondit: Fortitudinis nullum esse usum, nisi adsit Iustitia: quod si omnes essent iusti, fortitudini locum non superfuturum. Quàm latè ea virtus pateat, & ad omnes publicas priuatasque actiones sese diffundat, nemini obscurum, esse arbitror: hæc honores dignis; hæc præmia meritis; hæc coronas immortalis gloriæ, largitur fortibus; hæc bella definit; hæc pacem moderatur; hæc Principem intra præscriptos regiminis cancellos, hæc subditos in officio, socios in fide continet; hæc fontes punit, innocentes absoluit, excindit latrocinia, regna conseruat, Principes & Reges cælo inserit. Romanos, olim rerum Dominos, nihil magis nobilitauit quàm iustitia: eam autem non Ciubus tantum, amicis & socijs, sed hostibus quoq; suis semper seruandam esse censuerunt; eā domi forisq; pacis belliç; tempore, constanter eminere contenderunt. Mirari sanè licet tanti virtutem in illâ Vrbe æstimatam, vt ei latere non liceret, ab aratro & ligone euocabantur viri fortes: ijs summa imperia, ijs Dictaturæ deferebantur; amplissimi & clarissimi victoribus, triumphi decernebantur. Veteranis &c.

B

nis & emeritis militibus, ea quæ ad senectutem cum honore traducendā necessaria erant, publico sumptu abundē suppeditabantur: ijs qui in acie, pro patriā vitā profudissent, honores, laudes, Statuæ, monumenta æterna deferebantur, ponebantur, consecrabantur. Ac vt omnibus constaret, nonnisi per virtutem honores haberi posse; honori ac virtuti templum dicārunt, interiecto tantū diuisum pariete, ita vt in Honoris templum, nullum esset ostium, nullus nisi per virtutis templum, in illud aditus: virtus enim causa honoris est, honor effectus virtutis: illa meritum, hic præmium: illa radix, hic fructuosissimæ radicis fructus: sine virtute, nullus verus solidus ac diuinus honos esse potest, & qui honore priuat virtutem, is homines priuat virtute, vt Cato dicere solebat. Quid ego hoc loco de SIGISMUNDI Regis iustissimi iustitia dicam? Percurrannè omnes eius Imperij annos, & tempora? Non me eò demittam, vt cuncta rimer & peruestigem. Vos pleriq; testes estis, illum nunquam in mandandis Magistratibus, in decernendis honoribus, ita à scopo & suæ intentio-  
nis & Reipubl: dignitatis aberrâsse, vt eum hunc vel illum promouisse, vix vnquam pœniteret: magno & acri iudicio expendens & merita & onera, non facilè explicabat, quid decreturus, quæ muneri publico admoturus esset: ita pleriq; cunctantior visus, & qui interdum desideria ambientium, longâ expe-  
ctatione, suspensa torqueret. Vix tamen accidit, vt præter communem opinionem, quenquam vel dignitate ornaret, vel præmio afficeret. Sciebat e-  
nim

nim optimè, quantum publicæ salutis & suæ dignitatis interesseret, dignos Magistratibus præficere. *Est Eccl: 10.*  
*malum* ( inquit Spiritus S.) quod vidi sub Sole, quasi per er-  
*rorem gradiens*, à facie *Principis*: positum stultum in dignitate  
*sublimi*, & diuites sedere deorsum. *Antiochus Syriæ Rex*, *Pol: b.*  
*Medicum consilij* sui præsidem fecerat. *Ludouii- lib: 3.*  
*cus XI. Gallorum Rex*, sutori suo *Fetialis* ac *Inter-*  
*nuncij*; *Tonsori Legati*; *Medico Magni Cancellarij*  
*partes detulerat*: ea res ita commouerat *Galliæ No-*  
*bilitatem*, vt parum abfuerit, quin Rex Regno ex-  
*cideret*. Nihil tale vnquā admisit noster SIGISMUNDVS, ab omni eiusmodi sorde alienus, fauebat qui-  
*dem virtuti, fauebat industriæ, & vt olim Hannibal:*  
*Qui hostem feriet, ille mihi Carthaginensis erit*: sic optimū &  
*dignissimū Ciuiē eū existimabat, q̄tii & in Sago, & in*  
*Togā, vtilē Patriæ nauaret operam*. Altera illa pars  
*iustitię, quæ lites discernit, quæ noxios punit, quæ pu-*  
*blicā quietem tuetur; quæ Ciues inter se mutua con-*  
*nectit charitate & cōcordia: quæ bella indicit; quæ*  
*fœdera sancit: maiori quidem ex parte non est, nec*  
*fuit in potestate Regum nostrorum*. Sic prisca in-  
*stituta Maiorum, sic leges voltierunt, ne Rex priua-*  
*to arbitrio arma sumeret: ne inconsulis Ordinibus*  
*noua fœdera feriret: ne in Ciuis Poloni caput, exi-*  
*stimationem, & bona, absolutâ potestate quidquam*  
*decernēdi ius haberet*. Quæ res fortassis ad frenan-  
*dam libidinem Regum facta, in SIGISMUNDO certè*  
*locum non habuit, cuius mite Imperium ac legibus*  
*libertatibusq; Regni accommodatum, extra suspi-*  
*cionem fuit, vel maioris authoritatis, vel liberioris*  
*potestatis usurpandæ*. Ille quidem, quantum ea res

ad censuram eius pertinuit, quantum conando efficeret potuit, & in proprijs Iudicijs, quæ Regiæ Iurisdictionis esse dicuntur, nunquam à traniite Iustitiæ se dimoueri passus est; & vt ij qui Regio nomine Ius dicunt, quām optimi iustissimiq; ac iuris cæteris peritiores legerentur, omni studio elaborauit. Dicā id quod sentio, bona venia aliorum dictum tamē sit, interfui & præfui Iudicijs Supremis, & in Aula Regiæ, cùm Vicecancellarij munus obirem, & in ijs Tribunalibus in quibus ex Equestri Ordine electi Iudices ius dicunt: hæc quidē non possum nisi laudare probareq; vtpotè, quæ veram Ideā repræsentant, sinceræ & non contaminatæ libertatis, neque amplius latus existimationis meæ, quod ab inuidiâ temerè petatur, patefaciam, nisi vt hoc fatear, Regia Iudicia & in Comitijs Regni, & in Aulicâ, vt vocant Iurisdictione, quæ Fisci, ac Ciuitatum Iuri Magdeburgensi subiectarum, causis continetur, casta, pura, & integra esse. Ita voluit SIGISMUNDVS REX, iustitiæ amantissimus & studiosissimus, ita ad recti Iudicij normam sese accommodauerunt ij, quos ille lateri suo assidere, quos summæ rei præesse, quibus existimationis suæ summam committere voluit. Sed quid ille iniustitiæ admitteret, qui priuatas suas actiones ad Iustitiæ, æquitatiq; regulam semper componebat: qui simulatione & inani ostentatione compare, indignum suā existimatione putauit: qui semper id egit, vt qualis haberi vellet talis esset. Nescio, (inquit Sanctus Hieronymus) quomodo turpiora sunt vitia, cùm virtutum specie colorantur.

*Hieron.  
Epist: ad  
Cal.  
Ecclesiast. c.  
22.*

*Si dissi-  
mulauerit,  
delinquit duplicitate;*  
*spiritus sanctus.*

mulauerit, delinquit duplicitate; ait Spiritus Sanctus. Simulata enim æquitas, teste S. Augustino, non est æquitas, sed duplex iniquitas; quia iniquitas etiam est simulatio. Sinceræ, & ad regulam virtutis Regis nostri examinatæ actiones, cæterorum qui tū cùm maximè fallunt, id agunt, vt viri boni esse videantur simulationes, damnant & sceleris Hipocritici conuincunt. Hic candor, & non fictæ mentis sinceritas, præclarissimas quasq; Regis nostri actiones, heroicos ac diuinos pro Republica conatus, secundo semper euentu prosperabat: & quamuis primis eius initijs, parum propitium fortuna vultum ostendere solita fuerit, vix tamen vñquam aliquid maius agressio, felix defuit successus. Admirationem summam excitabat, in animis gentium, & magnorum Principum, cōstanter semper culta, à SIGISMUNDO fides, quā non modo Ciuibus, sed hostibus suis semper religiosè seruauit: pacta & promissa rescindere, fidem datam immutare; semel lalicui destinatum honore in, vel beneficium ad alterum transferre; æquè insolitum illi fuit ac iurisurandi Sacramentum irritare. Audiebat Isocratem prudenter Regem Nicoclem admonentem: Omni studio contendere, vt tuis verbis maior sit fides, quām aliorum iuramenti. Animo reuoluebat Sacram Dei ipsius vocē apud Zachariam vatem: *Vnusquisq; malum contra amicum suum ne cogitetis in cordibus vestris, & iuramentum mendacij ne diligatis; omnia enim hæc sunt, quæ odi, dicit Dominus.* Meminerat quām acerbæ, iustas tamē pœnas subierit Domus & Familia Regia Saulis, ob violatum ab eo datū populi

pulis Gabaonitarum, per Iosue Ducem Hebræorū, iusiurandum ob ademptum agrum, occupataq; cōtra datam fidem Oppida, ob cædem per Sauleni fāctām, Septem ipsius nepotes Regius sanguis, patibulo publicè affixi, pependerunt; & per summam immanium cruciatuum acerbitatem, non suā sed Maiorum suorum culpa contractum scelus, & sacrilegium, expiarunt. Viderint cæteri Principes, ludere iuramentis assueti, quid vel ipsis, vel eorum posteritati immineat, quibus pœnis teneantur, quibus tormentis aliquando tandem, impia expiaturi sunt sacrilegia, etiamsi nunc exultare videantur in scelere; etiamsi perfidiae suæ palam iacent stratagemata; etiamsi prospero succellū ferantur, & per summum nefas occupent aliena Imperia, sanguinem Christianū atrociter fundant; sacratas Deo Aras, Templā, aditusq; Sacrorum sacrilego incæstent ausu, eaq; omnia impunē se perpetrare glorientur: vna veniet dies, vna hora, vel potius minimum labentis tēporis momentum, cūm hæc omnia inanis gloriolæ & impia iactantiæ falsa ornamenta, istis Trafonibus, sanguine Christiano saginatis, triste & supremum adferēt exitium. Illinē qui nunquam Christiani nominis hostem in acie viderunt? qui pedem domo, nisi ad infestandas Christianas Prouincias, ad accipienda occupandaq; Regia non extulerunt? qui quotidie impia societates, impia fœdera, cum Turcis, cum Barbaris feriunt, vt eorum rabiem in Christianos accēdaat, suamq; tam turpi subsidio Tyrannidem stabiliant? Illinē, inquam, quidquam veræ laudis, veri de-

coris

coris sibi, etiamsi integra laudatorum ad adulatioñē compositorum agmina aduocēt, usurpabunt? Sed nos ad nostra redcamus, atq; ab Iustitiā ad Clemētiā transitum faciamus. De quā vt aliquid dicerē, cūm multa præclara eius virtutis specimina, quæ in omnibus SIGISMUNDI actionibus enituerint, tum, vel maximē vna eiusdē Regis vox me impulit. Nam cūm errore quorundam, Regis Imperium fastidiunt, ad arma ventum esset, aciesq; eunti Regi, sub nomine eorum qui tum libertatis patronos se ferebant, structa & armata opponeretur: acri, sed breui prælio res confecta fuit, paucis cæsis, reliquis aduersarijs in fugam actis. Suadebant nonnulli è fuga retrahendos eos, qui Principes eius erroris erant: Sed Rex, absit hoc inquit, ne dum paucos noxios consečtamur, innocentes multi pereant. Digna sanè vox quam omnes Reges, omnes Principes audirēt; quæ in pectoribus eorum, qui cæteris præsunt, figeretur. Vox pietatis, vox clementiæ, vox mansuetudinis. Nemo eorum, qui in aduersa acie steterant, erat, cui non hostilis esset in Regem animus, cuius non parricidij rea mens, qui non primus hastam aut gladium Regio sanguine tingere cuperet: omnes tamen Regio ore, parricidij scelere exoluti, omnes pronūciati innocentes; non quia nocere noluissent, sed quia non potuissent. Certabatur adhuc, & bellum feruebat, fugiebant hostes, mox bellum renouaturi: sed SIGISMUNDVS & iniuriæ, & periculi immemor, memor clementiæ, sisti acies iubet, militem ne Ciuem feriat, ne capita aduersiorū præcidat, seueris cohibet

cohibet iussis. Commemorare possem multa alia, eodem temporis momento, Regie clementiae argumenta, eos qui pessimè erant de Rege locuti, qui scriptis eius nomen lacerarūt, qui ante ipsum conflictū in pectore Regio se defixuros hastas promiserant, captos, & in potestatem Regis redactos, non solum honestè habitos, verùmetiam statim dimisso; omnium quicunq; in acie ceciderant humata corpora: his qui aut vulnera acceperāt, aut vestibus spoliati erāt, nihil defuit; nā & Medici præstò erant, & Rege auctore, milites passim detractis sibi vestimentis, necessitati spoliatorum subueniebant. Dies quidem illa, quā pugna commissa est, funesta bonis omnibus, tristis admodum ipsi etiam victori SIGISMUNDO esse poterat: sed ad immortalitatis gloriam, ad famā inauditæ clementiae eidem conciliandam, maximè accommodata. Vicit SIGISMUNDVS, non armis sed clementiâ; remisit iniurias, omnem animi offenditam depositit, cunctos ad gratiæ suæ finum admisit, duobus non postremæ notæ, qui dissensionis illius Ciuilis, veluti quidam litui erant, non solum erroris veniam dedit, verùmetiam alterum ex ijs, summis excoluit honoribus, alterum si superuixisset, si non vitæ summa breuis spes ipsius præcidisset, non minoribus honoribus, & dignitatibus aucturus, ornaturusque. Tanta quidem huius virtutis laus est, vt Romanæ Eloquetiæ Parenz meritò dixerit: Homines ad Deos nullâ aliâ re propriùs accedere, quā salutē hominibus dando. Quam multos SIGISMUNDVS Rex suâ clementiâ flexit, vt cùm prius Regis actioni.

actionibus & delinatis obsisterent, mox mutato animo, eidem adhæserint, præclarosq; ipsius pro Republ: conatus, studio operâq; suâ adiuerint. Verecundiam enim (inquit Seneca) facit ipsa clemētia regentis. Utq; frequentia eorum, qui sub curâ & manu Medici salutē quærunt, funera Medico dedecori sunt: sic Principi quotidiana odia subditorū. Sacra quidem Scriptura, Regis thronum clementiâ & misericordiâ roborari: verissimè asserit. Et Seneca errare eum dicit, qui existimat tutum ibi esse Regem, vbi nihil à Rege tutū est: securitas, securitate mutuâ, paciscenda est. Vnum est, inquit, idemq; inexpugnabile munimētum, amor Ciuium. Quid pulchriùs quām viuere optantibus cūctis, & vota non sub custode, sed palam nuncupantibus? Optimè Agasides Lacedæmoniorum Rex, cui dā quæranti, quomodo tutò siue satellitibus regnare posset, respondit: Si ita popularibus imperet; vt liberis Pater. Quod si clementia Ciuibis grata est, quid si eadē conspicatur hosti præstita, quantam admirationem in animis hominum excitat? Suiscius qui summam rerum in Moschouia tenuit, captus, & ex dignitate personæ vñā cum fratribus honorificè habitus, cùm fato diem extremū obiisset; vita functus nō sepulchro, sed Mausoleo à SIGISMUNDO victore, victo hosti magnificè erecto, illatus, & ad perpetuam clementiæ memoriam condecoratus est. Non attingam cæteras virtutes, nō quod existimem eas Regio decori non conuenire: sed quia ita in omnibus SIGISMUNDI actionibus fulsere, vt vel inimicorum perstringerent oculos. In maximis quibusq; periculis, in ipso vitæ discrimine, nullus vñquam eum vidit ita commotum, vt serenitatis vultum immu-

immutaret, vt non ab animi præstati magnitudine cōfiliū sumendum censeret. Monitus in prælio Guzuiensi, vt perturbatā dextrā partis exercitus acie, ad leuā quæ immota stabat, signū Regium transferret, Dūcibus idem suadentibus: constanter vulturenident, ne ad vnum quidem palmum terræ, loco quem ceperat se mouere voluit. Ad Lincopiam in Sueciā, arte Caroli circumuentus, & à Suecis desertus, cum paucis qui fidē seruauerant, Regemq; & Polonos, pro Rege mori paratos, & vitæ discrimen, non multitudine hostium, sed virtute suā metiētes, nō deseruerant, vrgente Carolo, pugnæ copiā fecit, atq; in primā acie, quę tormentorū iētibus petebatur, stetit interritus; multitudinēq; hostium & impetū longe maioris exercitū, virtute sua sustinuit. Nec illud silentio transmittere possumus, cūm SIGISMUNDVS sub alterū ex Sueciā discessum Calmarien: portum peteret, viq; ventorum nauis, quæ Regē vehebat, in breuia adacta & inuersa fatisceret, periculumq; esset, ne compagibus solutis mergeretur; cimba vna superfuit, qua Rex ad littus euadere & saluti suæ consulere posset: quam cūm esset consensurus, & aliquot vel timidiiores vel audaciores in eādem se demitterent, vnuſq; ex ijs quibus Regiæ salutis cura demandata fuit, strictis armis ab excensu eos arcere vellet; Desine, inquit Rex, & vnuquēq; saluti suæ, quam quiuis tanti aestimat, quanti & ego & vos meam aestimatis, consulere. Quid memorem alia? Magni quidē momēti negotia semel aggressus, nūquam deseruit, metu vel terrore denunciati etiam periculi: sententiam nunquā mutauit; obstinatior alijs visus, sed virtutes eius expendentibus, fuit semper constans & invictus. Quidni talis esset?

lis esset? qui non solum hostium, sed quod præstantius meritò habetur, sui ipsius semper victor extitit. Legimus, magnos Reges, & sumos Imperatores, expugnatis victisq; hostibus, per summū dedecus, libidini & intemperatiæ succubuisse. Dauid Rex, nisi adulterio domum alienam polluisset, sine vlla exceptione ipsius Dei ore laudari potuerat. Ad Ticinum, ad Thrasimenum, ad Cannas, Hānibal toties Romanorum victor; Capuanis mollioribus hybernis, concidit. Alexandrum Magnum, post deuictum orbem propè vniuersum, Babylonicas illecebræ occiderunt. Eandē ob causam amissā Regna, euersa Imperia, excisas Vrbes, nulla ætas fuit quæ nō viderit; nulla natio quæ tristi experimento nō senserit. Sed non sensit, regnante SIGISMUNDO, Polonia: purus castusque, & ab omni illecebra inconcessus voluptatis alienus, etiam iuuenis vixit: iuuenis inquam ætate & formā præstantissimus, natu longè maioribus, puritatis castitatisq; exēplo, præiuit: virgineus in Regio vultu nitor, in sermone verecūdia, in omni aetione ingenuus pudor, Ciuibus externisq; eum admirādum & venerandum exhibebāt. Facilius crescit quām inchoatur virtus. Summum fuit in SIGISMUNDOPRIMA nascentis ætatis crepundia castitati consecrāsse, eo iacto fundamento, cætera creuerunt, & felicissimè adhæserūt: casto castissima obtigerunt matrimonia: rara ea prosperitas, & rarò visa. Pudet paulò ante præteriti temporis; viderūt certè Patres nostri ab Augustā Domo, duas Reginas huc deductas infeliciter nupsisse. Vidi- mus nos eadē Familiā ortas, Imperatorij sanguinis duas Heroides, pias, pudicas, optimas, sanctissimas, quæ non modò dum viuerent, admirationem quandā in animis

nimiris nostris excitârunt, sed etiâ tantâ relictâ prole, iâ  
vitâ funetæ, suâ fœcuditate, ne amplius dicâ, vt melius  
sperare in posterû possimus effecerunt. Optimus Ma-  
ritus SIGISMUNDVS: optimæ priori Vxori, par successit  
secunda: eadé vtriq; virtus, eadé fœcunditas; idé erga  
Maritum amor, eadé obseruantia: ex vtrâq; Vxore su-  
cepti Liberi, ita educati formatiq;, vt eodé vtero editi  
videantur. Grandishæc felicitas, & vix aliquâdo audi-  
ta, è duobus Matrimonijs natos ita còaluisse, & ad cō-  
mune decus promouendum cōspirâsse; nullum æmu-  
lationis, nullum ambitûs, nisi qui Fratri natu maiori ad  
Regnū aditû patefaceret, vestigium. Quatuor Fratres  
summo & ipsi loco, digni Regis Filij, in frequetissimo  
Ordinum confessu, in publico Electionis Conuentu,  
Fratri causam egerunt, orârunt, impetrâruntque. Tâ-  
tam concordiam, tantumq; ad cōmune bonum cōsen-  
sum, vix vnquam vltâ vidit ætas. Fateamur necesse est,  
bono Reipub: natos; nec grauem esse nobis hanc pro-  
lem, quæ licet numerosior videatur, quadam tamē sin-  
ceræ concordiæ vnitate ita còaluit, vt omnes quales  
olim Geriones in Hispaniâ fuisse non temerè antiqui-  
tas finxit, vnâ animâ viuere existimari possint. Horum  
virtuti quid vnquam arduum aut difficile esse poterit?  
His Regna, his amplissima debentur Imperia: illorum  
patrocinio, illorum tutelæ aliquando orbis vniuersus,  
partâ deuictis Barbaris salutem acceptam feret, &  
veluti mōstrorum domitoribus, honores æternum mā-  
suros decernet. Sed nos paulò altius euecti vela cōtra-  
hamus, & ad nostrū redeamus SIGISMUNDVM, quē di-  
uinitus Reipubl: nostræ datum, si quis & conditionem  
illorum temporum, & Interregni, quod Dñi Stephani  
Regis

Regis mortem subsecutum est, turbulentissimū statū,  
animo diligentius expéderit, facile agnoscat. Ut cæte-  
ra silentio præterea, in ipsis Electionis noui Regis Co-  
mitijs, binæ acies infestæ sibi; altera viribus ferocior, &  
externo milite ad opprimendâ patriâ conducto arma-  
ta; altera causâ melior, in cāpo steterunt: summū peri-  
culum erat, ne orbata tutore & Rege Patria, Cuiilibus  
armis discerperetur: aliquoties instructis exercitibus,  
iâ iam congressuros, secreta quædam fati vis, à mutuo  
exitio coercuit. Candidati Regni vacantis, ex præci-  
puis Orbis Christiani familijs comparebant; crescerebat  
in dies ambitus, ingentes commoditates & vtilitates, ijs  
qui Regnum sibi deferri petebant promittētibus; ple-  
rifq; etiam, heu dedecus patriæ! quâ spe, quâ præmijs  
allectis, operâ suam ad perniciem patriæ externis Prin-  
cipibus pollicentibus. Leuiori manu SIGISMUNDI causâ  
primò agebatur; & Legati eius, nā ita Pater mandaue-  
rat, materna potius iura repetebat, Electionis præroga-  
tiua cæteris cedere, aut saltē non multū obniti videbâ-  
tur: nullo fructu, & nulla propè spe felicioris successus,  
cōsilia tractabantur: vis & arma in Comitio valebant;  
homines pacis & concordiæ cupidi, prodire in pub-  
licum, vel nō poterant, vel nō audebant. Nō deerant qui-  
dem nōnulli, qui in SIGISMUNDVM propéderent: Regina  
Anna eius Mater tera, non obscurè illi suffragabatur:  
Domus lagellonicæ propè vltimus surculus, Diui SIGI-  
SMUNDI Primi nepos, Regis AVGUSTI Sorore natus, in  
ore omnium erat. Sed reputantibus alijs, quantum ille  
opis & auxilij, contra potentissimos cōpetitores, quos  
bello & armis qualecunq; ius suum yrsuros apparebat,  
esset allaturus; metus quidem obuersabatur oculis, ne si

iuuenē, adhuc nullis maioribus fultū viribus, Regē dīcerent, aduersariorū potentiae succumberent. Magnus ille Ioannis Zamoiscij, Magni Cancellarij, & Exercituū Regni Supremi ducis animus, & mens tantæ molis capax, rebus fluctuātibus ac penē perditis remediuū attulit. Nāq; is suis, quas in vsum Reipubl: parauerat, aduersariorūq; viribus ac copijs expēsis animaduertit, minimā popularitatis & communis fauoris accessione, ijs qui externis freti auxilijs minabātur, vim intentabant, se si nō superiore, certè parē futurū; eorūq; audaciā & temeritatē facile repulsurū; inito cū Stanislao Karnkuiō Archiep: Gnesnen: Regni Primate, cū quo ceteri Episcopi, vno aut altero excepto, idē sentiebāt, & cæteris Senatoribus, quibustememarij aduersariorū ausus displicebant, consilio; ex omniū sententia ab Archiep: Gnesnensi, quē inter præsidia sua, ne vi armatā ab instituto prohiberetur, receperat, more institutoq; Maio-rū, SIGISMUNDVM REGEM renunciandū curat. Audito SIGISMUNDI nomine, noua quædā lux affulgere visa; pauere aduersarij, assurgere animis ij, qui bonarū partium erāt; vniuersa expers factionū Nobilitas, suffragiū huic vni deferre. Videres nuper insessos milite cāpos, vexillispacis & trāquillioris spei impleri; omnes nomē SIGISMUNDI occinere, omnes eius auspicijs insigniri. Itū est Cracouiā, & hæc Vrbs in quā Reges Poloniæ auspicatò Imperia ordiri solent, iustis munita præsidijs. Viueres etiā nūc Zamosci, fatereris profecto, id quod sæpius testatus es, te in omnibus concertationibus, in omnibus prælijs SIGISMUNDI REGIS fortunā fretū, pro Patriā caput tuum omnibus obiecisse periculis. Non dū illum videras, cū Germanicas legiones Cracouiæ immi-

imminentes cecidisti, reliquos in fugam egisti, Vrbem Regiam obsidione soluisti, SIGISMUNDO dein de Cracouiā ingresso, & feliciter coronato, tu iterum cum exercitu profectus, Archiducem Maximilianum, Imperatoris Romanorum Filium, Imperatoris Fratrem, in finibus Silesiæ vires reparantem, & iam præter Germanos & Polonos, Hispanicis ac Hungaricis copijs auctum, supremumq; exitium Patriæ minitantē, ad Byczynam asseditus, acri quidem & difficiili, sed felici tamen commissō prælio, vicisti, debellāsti. Archiducem ipsum, cum præcipuis quibusq; magni nonuinis viris, ditione in SIGISMUNDI potestatem redigisti. Longum esset recensere omnia: per occasionem attingam nonnulla. Quantæ molis erat eo tempore Regnum Poloniæ capessere, quæ domi forisq; imminebant pericula, animus ipse meminisse horret. Vniuersum Regnum in diuersas scissum factiones, iuuenili (nam SIGISMUNDVS cū REX legeretur vigesimum primum ætatis annum agebat) consilio restaurari, & tam dissidentes voluntates Ciuium ad concordiam reduci posse, quis crederet? Iuuenis, vt dixi, erat SIGISMUNDVS, mores & instituta nostra nōdum nouerat; multorum consilijs, dum sibi quisq; studet, distrahebatur: sed inerat animo illius plus quam humana prudentia, Rege Magno digna modestia, virginis pudoris decor, religio, pietas, Deo in primis, tum & hominibus amabilem illum reddebant, omnibus eius actionibus, felices ac prosperos conciliabant successus. Itaq; intra vnius anni decursum, & cum Serenissimā Domo Austriacā, cū summā Regis & Regni dignitate

tate trāfactum, dimissoq; Archiduce Maximiliano, pax constituta, amicitia etiā perpetuò duratura sancta, & ijs qui ad Austriacos fauorem in Electione flexerant, venia erroris, Regis clementia, ac publico Comitiorum Regni decreto, data. Sic concordiâ, sine quâ Regna esse & stare non possunt, stabilito firmatoq; Imperio, eam de se excitauit SIGISMUNDVS opinionē, vt ipsis initijs felicissimos Regiminis sponderet successus. Frustra minis, & bellico apparatu, terrere eum voluerat Turcarum Imperator Amurates III. Nam per Tartaros bellum orsus, mox expertus est, non cedere animo SIGISMUNDVM, sed paratum esse, vel in ipsius hostis ditionibus, quærere hostem. Cessauit illa procella, & cæteri vicini ad pacis studia animos flexerunt; pactæ cum Moscho inducæ; firmata cum Turcapax: Suecia deniq; morte Ioannis Regis Patris iure ipso naturæ & successionis beneficio accesserat Imperio SIGISMUNDI, ritè institutoq; maiorum Regni illius paterni & hæreditarij habenas capessuerat, iusurandum à Suecis seruādæ fidei acceperat, pari Sacramento se eisdem obstrinxerat. Felix erat Suecia tali Rege, tali pace: sed ambitio & Regni cupiditas corruptit omnia. Carolus, Regis Patruus, per eius absentiam, primò leui manu attrectare cæpit clavum Regni: mox totum ad se traxit Imperium, per summam impietatem abdicato Nepote. Hinc bella in Liuoniâ, quam Carolus inuaserat, orta; & per aliquot annos satis à nostris feliciter gesta. Fugatus aliquoties Carolus; in Kirchholmib; verò campis, virtute Caroli Chodkieuicij, Supremi pro Magno Ducatu Lithuaniae copia-

copiarum Ducis, ita cæsus ut penè vniuerso amisso exercitu, vix ipse fugâ evaserit. Sed nihil acerbius SIGISMUND Ocrat, quām strictos in sua viscera vertere mucrones; gentem in quâ & ex quâ natus est, alieno errore à se abductâ, bello persequi: itaq; quantum potuit, quantumq; illi licuit, à supremâ vi abstinuit. Hinc aduersæ partis crevit audacia, & Carolus malè partum Regnum, filio suo Gustauo, olim pœnas violati familiæ suæ domestici fœderis daturo, iniquè possidendum reliquit. Cætera vt successerint, vt in Liuoniâ, vt in Prussiâ, & quo euētu bellatum fuerit, res tanquam nuper gesta, hæret in recenti omnī memoriâ: & Gustauum cladis aliquoties acceptæ, bisq; ictu sclopeti propè lethalibus vulneribus cruentati sui corporis, putodum viueret nō fuisse oblitum. Inuitus hæc commemoro, gratiora illa, & magis pleno prædicâda ore, quæ SIGISMUNDVS in vindicâdo iure Regni, ac interceptis ab hoste Moscho Prouincijs repetendis, summa cum laude feliciter gessit. Gens feritate barbara, religione superstitionis, fide ambigua, nec magis telis quām suo cælo, suo sidere armata, quæsitum Maiorum nostrorum sanguine Reipublicæ patrimonium, fraude & proditione interceptum inuaserat. Non annos, sed secula acceptæ immanis iniuriæ numerabamus; penitus iam ea macula insederat in animis nostris: nec immerito existimabamur bellicę laudis & decoris possessione, cessisse hostibus. Diui Stephani præclaros quidem & prosperos conatus, mors inopina interuerterat. SIGISMUNDVM ne statim à suscepto

Regno bellum aliquod ordiretur, quorundam nimis pacis amantium consilia arcuerant: quanquam & ille eo semper esset animo, ut existimaret Regium esse, nec prouocare bella, nec timere. Extincto per summum scelus tanti Imperij vnico reliquo hærede Demetrio, summam rei ad se traxerat Hodunus, homo in Moschouia non magno loco natus. Fraus diu latere non potuit, extitit vltor ficti nominis Demetrius, ad cuius famam Hodunus scelere vecors, nefaria innoxii pueri cæde pollutus, excidit Imperio. Nec impostoris diuturnum Regnum esse potuit, quamuis vt id stabiliret, quorundam Polonorum auxilijs niteretur. Pepigerat dum in Polonia esset Marinæ Georgij Mnifzek, Palatini Sendomiriensis: Filiæ nuptias, statimq; rerum in Moschouia potitus, publico Procerum, ut gentis mos est, consensu, expediuerat in Poloniâ Legatos, qui & à Rege & à Patre sponsam dari peterent, eamq; in Moschouiam honorificè deducerent, Regem ipsum, & plerosq; Proceres, sponsæ cōsanguineos, ad nuptias inuitauerat. Rex per Legatos officio functus; reliqui eo profecti, magis ad nuptias, quam ad bellum: neq; enim aliqua fraudis subesse poterat suspicio, publicâ fide, publico vniuersæ eius gentis adsensu interpositâ. Ut rem in pauca contraham, in ipsis nuptiis alibus sacris, Mosci authore Suiscio conspiratione factâ, tumultuq; excitato, illum ipsum Demetrium suo arbitratu strangulant. Dicant sanè ij iure à se factum, Tyrannum impostoremq; sublatum. Sed quid innoxii meruerant hospites, in quos immani

sæuitum

sæuitum est cæde? Legati Regij, iure gentium sacri, cur arcta & infami circumdati custodiâ? Erat ea iusta belli causa, & vltor poscebatur, qui & atrocissimæ vindictæ esset iniuriæ, & iniquè ac nefariè à Moschis usurpata iura repeteret. Sed ne quid temerè aut inconsultò fieret, missi qui iniuriam nomini Polono factam; qui Legatos violatos quererentur; qui deniq; res & homines interceptos clarè repeterent. Hi quoq; sine honore habiti, & serò admodū dimisi: itaq; quod iustis rationibus obtineri non potuit, bello & armis repetere visum. Arx Smolenscen: nostri olim iuris, obsidione cincta, immissus in remotores Moschouiae Prouincias miles, cæsi hostiles exercitus, deditio in potestatem redactus Suiscius, Regia ipsa Moschouiae Vrbs, milite Polono insessa. Tu VLADISLAE PRINCIPES omnium eius gentis consensu Rex & Imperator electus dictusque, in tuâ fidè tota videbatur venisse Moschouia, Smolenscum deniq; captum: tam magni momenti, & tā præclaræ res biennio confectæ, & totus triumphatus Septētrio. Cur deinceps versa retrò fortuna fuerit, fidesq; parum fidæ gentis nutauerit, magis silere libet, quam vulnera Reipublicæ parum gratâ manu attrectare. Manet tamen, manebitq; semper inclita memoria clarissimarum SIGISMUNDI REGIS vietoriarum, quibus & ius Regni asseruit & inolitam opinionem, quasi eius gentis potentia nobis formidabilis esse posset, penitus ex animis omnium exemit. Quid ego alia bella & prælia commemorem? coercitam Nisouij militis sapientia: octies aut

D 2

ampli-

amplius fusos fugatosq; excusâ quam raptim egerant prædâ, Tartaros: Michaelē Transyluaniaē Moldauiaēq; Principem, multarum gentium victorem, qui Turcicæ etiam potentiae imminere, & formidans esse videbatur, victum, & Moldauia exactum: Aaronem Valachiā pulsum: Domui Mohilanæ, in Valachiā & Moldauia armis ius assertum? Hactenus quidem vis Turcarum ita illibata steterat, ut posteaquam illi arma & Imperium in Europam transluisserint, in omnibus ijs prælijs, quibus ipsi eorum Ottomanicā stirpe orti Imperatores prefuerūt, semper victores euaserint. Sigismundus Imperator, idemq; Hungariæ & Bohemiæ Rex, coniunctis cum Ioanne Duce Burgundiæ viribus, primus arma Turcica, maiori quam vllus vnquam exercitu, ad Nicopolim irritare ausus, tam tristi pugnauit euentu, ut & Burgundus in potestatem barbari hostis venerit, & Imperator vniuerso amissio exercitu, vix piscatoriâ exceptus scaphâ, ignoratus quis esset, solis latibrutus, turpi fugâ euaserit. VLADISLAVS IAGELLONIDES noster, & Hungariæ Rex, ingentis animi iuuenis, prospero quidem aliquoties successu bella Turcicâ tractauit: sed postremò Amurati Turcarum Imperatori ad Varnam congressus, etiam si initio pugnæ barbarorum agmina cecidisset fugâssetque, ipseq; cum delecto Polonorum robore, in primâ acie versaretur, ac ipsum Amuratem voce & manu posceret, & iam acinacem in eum stringeret, concursu prætoriani militis oppressus, iam penè victor, & in ipsâ victoriâ Regium effudit spiritu. Solimanus

Solimanus in campis Mohacensibus, Ludouico Rege Hungariæ cæso, septies circiter fortunam belli cum potentissima Domo Austriacâ, quæ statim à morte Ludouici, possessionem Regni Hungariæ adire contendit, experiri voluit: sed nec Buda intercepta, nec Vienna obsidione cincta, nec deleti aliquoties Germanorum exercitus, elicere potuerunt Potentissimos Germaniæ & Hungariæ Reges, qui viuēte Solimano vixerunt, ut in campum & aciem descenderent, ut pugnæ copiam facerent. Nostra memoria Archidux Maximilianus, Rudolphi Imperatoris, Fratris sui auspicijs, & trium Exercituum, Germanici, Hungarici, & Transylualnici, virtute ac robore fatus, cum Mahumeto III. qui paulò ante Agriensem Arcem, hactenus inexpugnabilem creditam, vi expugnauerat & ceperat, ad Cherestessum signa conferre ausus, iam vicisse videbatur, nisi Tartarorum audaciâ circumuenti Christiani milites, cum se & à tergo & à fronte peti, cædiq; viderent, solutis ordinibus, loco moti, hosti victoriam concessissent. Scilicet non erat in fatis, ut gloriam victi aut coerciti Turcarum Imperatoris quisquam alias delibaret: integra & solida SIGISMUNDO REGI Poloniæ seruabatur. Tu quoq; VLADISLA E PRINCEPS arcano Dei decreto destinabar, ut in partem huius gloriæ & fortunæ venires. Nunquam certè maiori vi vniuersa barbaries cōspirauerat in perniciem rei Christianæ. Iuuenis admodum Princeps, & odio fidei Christianæ, & immensâ gloriæ cupiditate incensus præcipiti ambitione ferebatur, in eamque venerat opini-

opinionem, vt primo impetu se nomē Polonorum deleturum arbitraretur. Somniabat deinceps alia Regna, alia Imperia, & Poloniā armis in suam redatā potestatem, nullos Europæ angulos, nullos recessus sibi non peruios, nullam Vrbem, nullam Arcem, nullum munimentum suis viribus non cessurū rebatur. Èā impotentis & ferocis animi audaciā elatus, ad Europæi militis quem ex omnibus Provincijs & præsidijs euocauerat, experta maiorum suorum bellis robora, Asiaticos, Africanosq; exercitus adscitierat: quadringenta equitum peditumque millia numerabantur. Aderat Tartarorum Imperator, centum viginti millibus comitatus, & ad longè latèq; spargendam vastitatem, incendia & cædes miscendas, instructus paratusque. Tres integros annos ad parandum bellum aula Turcica impenderat: nulla alia tanto temporis spacio Purpuratos Osmanicos magis cura torserat, nisi vt quisq; paratissimus compareret: tantâ armorum copiâ, is belli apparatus, tot maiora ad quatiendos muros, tot minora ad campestrem stragem edendam ænea tormenta, in exercitu erant, vt si quis ea recensere vellet, fidem eorum qui hæc non viderunt excessurus putaretur. Tantæ moli impendentis ferociissimi belli quid opponeret SIGISMUNDVS, aut quam opem imploraret, quem in societatem periculi adsciseret? Æstimantibus certè eius temporis Reipubl: Christianæ statum, ingens quidem supremi exitij discrimen apparebat: spes verò prosperioris successus nulla affulgebat. Summus Pontifex opis non multum, Preces & Vota

& Vota, sub quorum patrocinio tuto constituit, fatus nostra libenter deferebat. Ferdinandus Imperator doméstico implicatus bello, de summâ rei incertamen trahebatur: vniuersa Domûs Austriacæ potentia nutare videbatur. Galliæ Rex, cuius invicti Maiores militaris gloriæ decus potissimum bellis Asiaticis nomini Gallico, & posteritati suæ parauerant: nihil bella aut pericula Turcica ad se pertinere aiebat. Hispanum res Austriacæ Domus in Germaniâ minus secundæ distrahebant. Archidux Austriæ Albertus, pro Rege Hispaniæ in Belgio summâ cum potestate Gubernator, in ipso vitæ exitu, quantum Reipubl: Christianæ cuperet, quantopere communi periculo commoueretur, luculentâ animi testificatione declarabat, & se ea omnia quæ in sua essent manu facturum ostendebat. Reliquorum Principum Catholicorum fauor in aperto, subsidia in obscuro, vel nulla, apparebant. Ex ijs qui de religione Christianâ, aliter quàm Orthodoxa & vniuersalis Ecclesia Romana docet, sentiunt; solus Sereniss: Iacobus Magnus Britaniæ Rex, vidit periclitate Poloniâ vniuersam Rempubl: Christianam in summum venire periculum; solus ad ferendam opem, studiū operamq; suam detulit; solus peditum lectissimorū cohortes, in suo Regno conscriptas, & suo stipendio auctoratas mari expediuit; & venisset ea manus satis oportunè, nisi in portibus Danicis fuisset retenta. Reliqui omnes eius sectæ Principes, gauisuri etiam interitu nostro credebantur. Gustavius certè Suecorum Rex, non aliter ac si crudelissimi Turcarū Tyranni iuratus satelles, ac Mahumeticæ impietatis promotor

motor esset, tum vel maximè nos oppugnabat, nobisq; perniciem & seruitutem à ceruicibus Christianorum arcentibus & amolientibus: ille per eam occasionem Rigam, totius Liuoniæ Ciuitatem primariam, & portu nobilem, expugnabat; Liuoniam iuris nostri Prouinciam, cæde & incendijs vastabat. Nihil dico quo in statu tum res nostræ essent, accepta superiori anno in Valachiâ clades, alter è Ducibus captus, cæsus alter, veterani militis flos & robur uno prælio concidisse videbatur. Quis non attonitus stuperet, SIGISMUNDVM REGEM, solâ Diuini auxilij fiduciâ fretum, neq; tantisquæ imminebant periculis, vel motum, vel territum, sed maiora quam quisquam suspicari posset ausum, Heroici animi magnitudine, hostibus perniciem, Patriæ salutem, sibi immortale decus, peperisse. Summâ celeritate scripti paratiq; exercitus, non ij quidem à quibus victoria sperari posset, sed qui potentissimi hostis ferociamorarentur: & ille Bizantio profectus, adeò celeri cursu difficillima Thraciæ itinera superauit, vt lôgè citius, quam sperari potuerat, traecto Istro, in ipsâ constiterit Valachiâ; mox viribus cum Tartaro cōiunctis, pari celeritate ad fines Poloniæ properauerit. Sed iam Chodkieuicius, cui summa rei commissa fuīt, iam Stanislaus Lubomirscius, Polonicarum copiarum ductor, ambo magni viri, ambo bellicis facinoribus illustres, fines quibus Valachia à Poloniâ dividitur, transgressi, in hostico ad Chocimum, audaci sed felici consilio Castra posuerant. Tu quoque SERENISSIME REX, paulò post Paternorū tuorūq; quibus

quibus te superni fauores circumdabant, auspicioꝝ felicitaté Castris, eo à Patre missus, intuleras, omnium in te oculos conuerteras, animos fessis, & de eventu sollicitis addideras, hosti quite venisse statim sensit, metum incuseras. Interea dum Pater majori vi bellum molitur, totiusq; Regni robore excito, vniuersam in aciem ducit Poloniā: res Tuō dūtu, Tuā felicitate p̄æclarē gesta; infestatæ diurnis nocturnisq; incursionibus Turcicæ stationes, sæpius hostis iusta acie fusus, sæpissimè ab oppugnatione Castrorum, cum ingenti clade reiectus, cùm semper deteriori conditione suos intra munitiones recipere, postquam SIGISMUNDVM propè iam adesse intellexit, spem quam capienda expugnandæque, & in suam potestatem redigendæ Poloniæ conceperat, depositus. Videbat supra sexaginta millia suorum militum, qui cæteris audentiores fortioresque putabantur, ferro cæsa; longè maiorem numerum belli & temporis incommodis absumptum; iumenta omnia corrupta; stratos hominum equorumq; cadaveribus campos: Deniq; venire SIGISMUNDVM, felicissimū magnorum bellorum confectorem, se victum fas-sus, irritosq; suos conatus, quod nulli vñquam Turcarum Imperatori accidit, deplorans: conditiones quibus bellum finiretur, accepit; prior Castra mouit, vt nostris signa victoria & arma tenentibus, tergo abeuntis, & impedimenta deserentis hostis, gloriose illudere licuerit. Sint, vt fortasse non desunt, qui partæ eo bello gloriæ detrahant; qui virtuti SIGISMUNDI REGIS obmüssitent; prodeant, & aliquem.

vnum Christianum Principem, vel Imperatorem proferant; qui Turcas vires tam audacter fregerit; qui ab aditu Regni ferocem Tyrannum tam feliciter arcuerit; qui ne vnicō quidem terrae palmo, eum qui semper, vel integra Regna, vel munitissimas Arces, expugnare & intercipere solitus fuit, ditionum suarum potiri permiserit; qui hostem vincere assuetum, vinci posse tam prospero successu docuerit; qui deniq; tot barbarorum millibus deletis Turcarum, vicitoris titulu magis verè usurpare possit. Dux paulò ante, hoc decus SIGISMUNDI REGIS, & nemini alteri commune esse & fore: dico iterum eandem deuicti Orientis laudis hereditatē inclyto eius sanguini deberi, ad cuius nomen vniuersa horret barbaries, quibusdam, ijsq; non obscuris, coniecturis sibi inde exitium imminere prospiciens. Sed quid agimus? oblii videmur praesentium, rimari futura? Reuocat nos ad se SIGISMUNDVS REX, tristi quidem & lugubri funeris sui pompā, pares animorum affectus meritò à nobis exigens; cæterum morte felici, & bonis omnibus exoptando exitu mentes nostras exhilarans. Nam vt nullus vñquam hostis vidi SIGISMUNDVM, dum vixit, vel periculo pauentem, vel suppli- cem; ita & ipsa supremi fati necessitas, promptum paratumque eum reperit ad parendum Diuinæ voluntati. Iam penè corporis vires omnes conciderant, iam inualesceente vi morbi hebetati sensus ægrè sua munia obibant; viuidæ tamen mentis, vigor idem erat; sermo nullus nisi cum Deo, aut de Deo; vultus securæ & innoxiae mentis testis; tota corpo-

corporis honestissima cōpositio, nullo mortis metu eum terreri, nullis dolorum acerbitatibus vinci & frangi, testabatur. Sic cessit è vitâ, vt ij qui ab exilio redeunt in Patriam, latus hilarisq; Semper quidem, dum vixit, toto animi conatu contendit, vt in hūc supremi exitus casum paratus esset: cæterū cùm eum imminere sentiret, nulos alios vel libentiū vidi, vel faciliū admisit, quām eos quibus cum vitæ & salutis suæ rationes cōferre solebat: has quoque moriens ita acuratè expendit, vt si Christianæ modestiæ immemor foret, liberè dicere potuisset, quod olim Titus Vespasiani filius, se nullius sceleris concium cedere è vitâ. Nos certè id de eo credere conuenit: namque Christiano ritu, vt S. Ambrosius scribit, decedentibus, optima voluntas & desideriū sufficit. Habet gratiam Valentinianus, vel nos dicamus SIGISMUNDVS, quā desiderauit; habet quod poposcit; certè quia poposcit accepit. Nullius itaque errati, quod non lachrymis eluisset, cuius veniā à conditore suo nō poposcisset, SIGISMUNDVS sibi conscius, cessit vitâ. Prosequamur illum ijsdem votis, quibus S. Ambrosius Valentinianum suum, si quid Orationes nostræ valebunt SIGISMUNDE, nulla dies silentio te præteribit: nulla inhonoratum te nostra transibit Oratio: nulla nox non donatum te aliquā precū nostrarum contextione transcurret: omnibus te oblationibus frequentabimus; si non meminerimus tui, obliuioni detur dextera nostra; adhæreat lingua faucibus nostris, si non præposuerimus te in principio lætitiae nostræ. Hos arbitror

*Ambr: in obitu Valentini.*

*De obi- tu Va- lentin:*

esse omnium vestrum sensus, idem cunctos tacitis  
vouere suspirijs. De me quid dicam? Angit me pri-  
uatus meus dolor: esse desijt is, quo viuente viuere  
cæpi; quo authore, id quidquid in me dignitatis est,  
consecutus sum. Patere sanctissime REX, ut exem-  
*Ambr:*  
*de obitu*  
*Theod.* plo magni Ambrosij, cum Theodosio suo iam vitâ  
functo sermonem miscentis, ijsdem verbis nobis vti-  
lizeat. Dileximus virum misericordem, humilem  
imperio, corde puro & pectore mansueto prædi-  
tum. Dileximus virum, non sibi sed Reipublicæ  
natum Catholicæ, Religionis decus, Patriæ nostræ  
ornamentum, nullo vnquam periculo magnoperè  
commotum in ipso vitæ exitu mortis victorem.  
Dileximus virum, qui cùm iam corpore solueretur,  
magis de statu Ecclesiarum, quam de suis periculis  
angeretur. Aderant præsentes Liberi, dignata tanto  
Rege Proles, genus alto à sanguine Cæsarum, Re-  
gum: & quidquid in toto Christiano orbe summæ  
dignitatis splendore fulget, quidquid illustres Famili-  
as sublimioribus titulis decorat ac nobilitat; horum  
inquam sanguine Vos Serenissimi PRINCIPES pro-  
geniti, adfuitis morienti Patri: omnium Vestrum  
lachrymis compositus est; nihil quod illi decesset, no-  
uissimâ in luce desiderauere oculi eius. Semper  
quidem ille pia & paterna dabat documenta Vobis  
recte viuendi: sed tam præclaro vitæ exitu, quid ali-  
ud egit, quiduè in votis habuit, nisi vt sui, virtutumq;  
suarum memoriam pectoribus vestris insereret; vt  
quibus vitæ mortalîs author esset, eosdem pareret  
Christo, immortalitati consecraret, cœlo insereret.

Non est

Non est quod externa exempla multum requiratis:  
Sacræ illæ Maiestates, Parentes vestri, Vobis ad ca-  
pessendam Regiarum virtutum viam, ad parandum  
summum decus ductores sunt, eruntq; optimi: non  
aberrabitis, si eorum vestigijs insistere volueritis, &  
porrò velle debetis. Id à vobis SIGISMUNDVS, ANNA,  
& CONSTANTIA, REX, & REGINÆ, iam cœlo rece-  
ptæ mentes, & nunquam perituri Regni Reges &  
Hæredes, Patris depositi iure, quorum ipsa nomi-  
na quid aliud designant, nisi pietatem, religionem,  
sincerum Dei cultū, Ecclesiæ Catholicæ & Sacer-  
dotalis ordinis patrocinium, Sedis Apostolicæ ve-  
nerationem, Ciuium amorem, pauperum solatum,  
castitatem, pudicitiam, temperantiam, animi ma-  
gnitudinem, iustitiam, & cunctarum virtutum com-  
plementum. Quod illi fuerunt, vt vos quoq; sitis,  
omni conatu eniti & contendere debetis, vt idem  
decus, eadem post sera fata vos maneat gloria. Tu  
in primis Serenissime REX VLADISLAE, quem &  
ætatis, & dignitatis prærogatiua, cæteris altius extu-  
lit, quem Orbis Christianus Regio decoratum ho-  
nore suspicit ac veneratur: non solum promptè ibis  
per vestigia Patristui, verùmetiam eadem tecum or-  
tos familiâ, & faustis nutritos sub penetralibus; hos  
inquam, quos & naturæ lex, & magni Patris volun-  
tas, & Reipubl: quæ se suosq; tibi vni addicit, tuam  
reuereri & comiter colere Maiestatem suadet, exé-  
culo tuo duces ad culmen veri decoris. Tibi vni hoc  
onus ferendum est; in te Domus hæc Regia inclina-  
ta recumbit; id & Sacra Parentum manes, & Re-  
publica


publica à te flagitat ; id deniq; fraternus poscit amor. Felix sanè & beata te Rege Polonia Lithuaniaque. Ad prima tua auspicia, & vt primū Vota omnium in Te vnum flecti cæperunt, quanta rerum conuersio ? quanta spes affulsi melioris æui ? Pax publica priuataq; longo ab interuallo reuiruit ; auræ pestiferæ lues extincta ; prisca agrorum fertilitas redijt. Nihil dico , quanto studio ad Te REGEM dicēdum omnes Ordines incubuerint , vt nemo qui non te posceret , in te spem Patriæ non reponeret , fuerit : vt magni viri priuata odia , priuatas lites , mox in perniciem multorum erupturas , tuo iudicio permittere non renuerint ; & tu prudens felixq; arbiter , uno eodemq; temporis momento , multum inter se discordes & dissentientes , ita conciliabas vt deinceps stabili & sincerâ amicitiâ redintegratâ , priuata odia ad amore Reipublicæ transferrent. Præclara hæc sunt initia orientis Imperij tui , cuius nullum fortius est stabili- mentum Ciuium amore : in cuius possessionem ita illaberis , vt nemo sit qui te in dies non magis diligat , & non plus se tibi , ob præstantia tua in Rempubl: me- rita debere libens volensq; profiteatur. Sed Tuæ vir- tutes aliud tempus , aliam poscunt occasionem , ma- gis disertâ oratione & facundiori prædicandæ ore. Nunc ego dicendi finem facturus , non aberraturum me puto , si verbis Diui Ambrosij SIGISMUNDVM REGEM Magno Theodosio , vel parem , vel certè si rectâ lance virtutes vtriusq; examinentur superiorē , terræ iam mandandum , non solum pio prosequar sermone , verūmetiam religiosis desiderijs & votis , supre-


Ambr:  
de obi-  
tu The-  
odosii.

supremum sanctæ illius animæ officium impendam. Conteritur cor meum , quia erexit vir , qualem vix possumus inuenire : sed tamen tu solus Domine inuocandus es ; tu rogandus , vt eum in filijs repræ- sentes ; tu Domine , custodiens etiam paruulos , in hac humilitate saluos facito sperantes in te. Da re- quiem perfectam seruo tuo SIGISMUNDÖ requiem illam , quam præparasti Sanctis tuis : illò conuerta- tur anima eius vnde descendit , vbi mortis aculeum sentire non possit ; vbi cognoscat mortem hanc , non naturæ finem esse sed culpæ : quod enim mor- tuus est , peccato mortuus est , vt iam peccato locus esse non possit. Prosequamur eum usque ad regio- nem viuorum , nec deseramus , donec fletu & preci- bus inducamus eum , quo sua illum vocant merita , in montem Domini sanctum , vbi perennis vi- ta , vbi corruptellæ nulla contagio , nullus gemitus , nullus dolor , nulla consortia mortuorum , vera religio viuentium , vbi mortale hoc induat immorta- litatem , corruptibile hoc incorruptibilitatem.



D I Z T





Hitt. Colon  
6. spcc.

